



Kwentu at Ginulis neng: Richard D. Payawal
Ing mig-translate: Marietta L. Manayag
Ding mig-review: Cherry G. Vinluan EdD
Ruby M. Jimenez PhD
Ding mig-layout: Jacqueline E. Libut
Erwin H. Iruma





Panuntunan ban Mabiasa

- *Asasabi la ring batayang impormasyon dikil king sarili: lagyu, pengari, kebaitan, idad, tuknangan, iskwela, aliwa pang pamagpakilala, at katangian bilang Pilipinu APINAT-IaI*



DEVELOPMENT TEAM

Kwento at Gulis neng: Richard D. Payawal

Ing mig-translate: Marietta L. Manayag

Ding mig-review: Cherry G. Vinluan EdD
Ruby M. Jimenez PhD

Ding mig-layout: Jacqueline E. Libut
Erwin H. Iruma

Learning Resource Manager:

Ruby M. Jimenez PhD
Education Program Supervisor
Learning Resources Management and Development Section


PAMPANGA

POL

NAMU PU!



“**A**ku i Apolinario Roman L. Puno.” Bigla lang sinagakgak king ayli ring kakung kaklasi anyang migpakilala ku. Ala namang pirat king kakung imalan. Ala ya mu ring dinat ing kakung lupa. Obat ali mu la ayawat king karelang ayli?





APOLINARI
ROMAN

“Kalagyu me i apu ku!” busit ning metung kung kaklasi. “Wa, balamu matwa yang lagyu!” biru na pa ning metung. “Makaluma!” maynge rang sabi naman ding aliwa sabe ayling masikan king klasi.





DAVE

E kalupa ning kaku, ding lagyu
da ring kaklasi ku tunug lang bayu.
Tunug masanting. Tunug ibat
aliwang bansa. Atin Angelica Mae,
Jennifer, Carol Anne, Vanessa,
Rubilyn, Samantha, Patrick, Christian,
Kevin, James, Dave, at Louie.



CAROL
ANNE

JAMES

ANGELICA
MAE

JENNIFER

DAVE

PATRICK

KEVIN

SAMANTHA

VANESSA

RUBILYN

LOUIE

CHRISTIAN

Aldoldo, bayu ya magumpisa
ing mestra ku awsan na la pang
tunggal-tunggal ding kekaming
lagyu. Patse awsan na naku,
makalawe la ngan kaku. Balamu
sasalta lang *spring* ding karelang
batal at balamu *speaker* la ring
karelang balugbug.





APOLINARIO
ROMAN

Bigla ne namang meyli ing buung klasi. “Tahimik!” ing sabi ning mestra mi kaybat neng inawus ing kakung lagyu. Sagli no mang makiramdam ding kaklasi ku. Biglang mewala ing masikan a ayli at kaynge.





Memye yang *assignment* ing kekaming mestra. “Pakibaluan at isulat king papil ing kwentu tungkul king kekayung lagyu at sabyan ye ini bukas king klasi,” ing sabi na. Bigla ku tuluy mitakutan lungub kabukasan.



Pakibaluan at isulat
king papil ing kwentu
tungkul king
kekayung lagyu.



Sana pwedi yang palitan ing
kakung lagyu. Mark namu kaya?
O kaya naman Rico. Pol na kaya?
Wa, Pol namu ban mas masanting
pakiramdaman e kalupa ning
Apolinario Roman.






APOLINARIO
ROMAN

Nung Pol ya ing kakung lagyu,
ali da na ku tuksuan ding kakung
kaklasi. Maging tunug yang sikat.
Balamu bida ya king metung a
palabas king telebisyun na paburitu
ming alben neng gatpanapun.





Kayuli ku bale, mamapag yang miryenda i ima. Linapit ku kaya at mengutang. "Ima, pwedi bang Pol namu pu ing kakung lagyo? Ali ku ne pu buri ing Apolinario Roman." Mipatahimik ya i ima ku king kakung sinabi.





Minta ya i ima ku king sala at kingwa ne ing metung a kaun. "Mekeni, anak at atin kung ipakit keka," sabi nang ima. Mabilis na ku mang minta king lugal nung nukarin ya.







Pepakit neng ima ku
ing litratu da ri tatang ku
anyang kinasal la. Lupa lang
masayang-masaya anyang
aldo ita. “Ika ing meging bunga
ning kekaming pamikalugud
tatang mu,” matulang sabi ning
kakung ima.






“Buri mi ing maging ispesyal ya ing kekang lagyu. Kaya pin piyabe mi la ring lagyu ku na ‘Rosario’ at lagyu nang tatang mu na ‘Arman’,” sabi nang ima. “At karin ya menibat ing Roman,” dagdag na kabang makatiman.






Mesaya ku king kakung dindam.
Megi kung interesadu king
kakung abalu. Oneng balamu
ali ke talaga buri ing lagyu kung
Apolinario. “Pwedi pu bang Pol
Roman namu pu ing maging lagyu
ko?” pilit ku kang ima.





Kingwa ne pang ima ing metung pang litratu nang tatang na kasiping ne ing metung a istatwa. “Ninu pu iyan, ima?” magtaka ku kabang makalawe ku king litratu. “Ini ing pekapaboritung bayani ning kekang tatang Arman,” pakibat nang ima.





“Bayani po?” kutang ku ulit.
“Wa. Iya i Mabini,” pakibat nang ima. “Maski ali ya makapaglakad, pero ali meging sumbagal ban pagtanggul ing kekatamung balen,” dagdag nang ima.






“Bista man atyu king kakalulwan, biasa at masipag ya king pamagaral i Mabini,” kwentu nang ima. “At ita ing buri ming pakyapusan mu kaya, anak.”

“Opu, bisa ku pung maging kalupana,” pakibat ku kang ima.






“Apolinario Mabini ing buu nang lagyu.” Linundag ya ing pusu ku king sinabi nang ima ku. Ali ke pala dapat ikarine ing kakung lagyu uling ibat ya kareng kakung pengari pati na king metung a bayani.





Kinabukasan, ing kaynge
at sagakgakan na dating
daramdaman ku kayari neng
sabyan ning mestra ku ing lagyu
ku mipalitan yang palakpakan
manibatan karing kaklasi ku.
Egana-gana metula at minanga
king kwentu ku king kakung lagyu.





APOLINARIO
ROMAN





APOLINARIO ROMAN

TUNGKUL KING SINULAT, KING MIG-TRANSLATE, KARING MIG-REVIEW,
KING GINULIS, AT KARING MIG-LAYOUT

RICHARD D. PAYAWAL:

Kasalukuyang tuturu king
Pasig National High School
Pasig, Candaba, Pampanga
anting Teacher III

MARIETTA L. MANAYAG:

Kasalukuyang tuturu king
Sto. Domingo Elementary School
Sto. Domingo, Minalin, Pampanga
anting Master Teacher II

CHERRY G. VINLUAN EdD:

Education Program Supervisor - Filipino
MTB-MLE-in-Charge
Schools Division Office of Pampanga

RUBY M. JIMENEZ PhD:

Education Program Supervisor - LRMDs
Schools Division Office of Pampanga

JACQUELINE E. LIBUT:

Kasalukuyang tuturu king
Guagua Elementary School
Santa Filomena, Guagua, Pampanga
anting Teacher III

ERWIN H. IRUMA:

Kasalukuyang tuturu king
San Basilio High School
San Basilio, Santa Rita, Pampanga
anting Teacher III

Balang awsan na ku ning kakung
mestra lagi lang mayli ring kakung
kaklasi. E ku balu nanung atin king
kakung lagyu. Nanu pin kaya? Iyan
ing kutang ku kang ima ku.

